


Deporte Local

Premio Excelencia den Deporte, un muestra di gratitud, reconocimiento y estimulo cu Aruba ta duna na su atletanan



ORANJESTAD (AAN): di e evento di gala Premio Excelencia den Deporte 2016 ta haci entrega di e maximo galardón na e atletanan cu a destaca den e aña deportivo cu a transcuri. Manera tur aña, Gobierno di Aruba pa medio di su Ministerio di Deporte ta premia e diferente categorianan di edad, esaki femenino y masculino. E aña aki un total di 9 categoria lo wordo premia, mientras lo duna reconocimiento na e nobato femenino y masculino 2016 como tambe e scol básico y avansa cu miho resultado durante di e deporte escolar 2016 (nomina door di IBISA). Ta bay reconoce e MVP 2016 di scol básico y avansa. Tambe ta reconoce e atleta femenino y masculino di Special Olympics Aruba cu a destaca den e aña deportivo 2016. Mester corda cu Premio Excelencia den Deporte ta e unico evento deportivo unda nos miho deportista den tur edad ta bini hunto pa asina wordo reconoci pa nan prestacion nan deportivo.

E ultimo dia pa entrega nominado di un of mas atleta lo ta diaranzon 1 di maart. Algun federacion deportivo ya a reacciona den forma positivo, mientras otronan tin cu manda nan nominado nan ainda. Comision PED tin e speranza

cu den e dianan siguiente e federacion nan aki lo reacciona y nomina nan miho atletanan cu a destaca den e aña deportivo 2016.

Manera a wordo bisa anteriormente den Premio Excelencia den Deporte 2015 lo premia un total di 9 categoria esaki di infantil, hubenil, nobato, ekipo, atleta di aña local y internacional como tambe e scolnan di aña.

Siguietemente e categorianan cu lo wordo premia den Premio Excelencia 2015

1. Deportista infantil/hubenil femenino te cu 13 aña
2. Deportista infantil/hubenil masculino te cu 13 aña
3. Deportista hubenil femenino di 14 te cu 18 aña
4. Deportista hubenil masculino di 14 te cu 18 aña
5. Nobato femenino di aña 2015
6. Nobato masculino di aña 2015
7. Scol cu miho resultado durante 2015 (nomina door di IBISA)*
8. Atleta di Aña (destaca local) (minimo 18 aña) ***
9. Atleta di Aña (destaca internacional) (minimo 18 aña)